



## **Universitätsbibliothek Paderborn**

**De Ecclesia Cathedrali Cæsaravgvstæ. Ioannis Baptistæ  
Tvrricelli Responsum**

**Torricelli, Giovanni Battista**

**Romae, 1656**

Num. 17. Ad ea quae de Ioanne adducuntur, respondetur Ecclesias ab eo fundatas eatenus fuisse Cathedrales, quatenus Cathedrae dignitate donatae fuerint. Caeterum non omnes Asiae Ecclesias ab eo ...

**urn:nbn:de:hbz:466:1-13380**

Iacobus frater Domini Hierosolymorum Episcopus à Pe-  
tro, Ioanne, & altero Iacobo ordinatus fuerit, cum Episco-  
palem ordinem cum alijs Apostolis ab ipso Domino susce-  
pisset: respondet *glos.* id factum esse quia Apostoli erāt Epi-  
scopi sine titulo: Vnde insertur neminem Apostolorum  
certi loci Episcopum dici potuisse, nisi eiusdem Præsul, pro-  
ut Iacobus Hierosolymorum, creatus fuerit.

Cum autem Beatus Iacobus, Ioannis scilicet frater, neque N. 16.

Cæsaraugustæ Episcopus ab alijs Apostolis ordinatus fuerit  
(nam solus Iacobus frater Domini, idemque iustus dictus,  
Hierosolymorum creatus Episcopus loco constitutus, nec si-  
cūt cæteri ad gentes in diuersas Orbis partes abire permis-  
sus est *iuxta Baron. ann. Christi 44. num. 35.*) Neque ipse  
eiusdem Cœnitatis Episcopum alium quempiam ordinaue-  
rit; etenim quæ de Athanasio produntur, nullum habere  
fundamentum infra patebit, vtique Cæsaraugustæ Cathe-  
dralis Ecclesia ab eo erecta dici nequit, cum neque forma-  
liter, neque materialiter Cathedram in ea constituerit, pro-  
ut nullum argumentum ex eius residentia deduci potest,  
cum neque perpetuo Cæsaraugustæ moratus fuerit, nec vlo-  
lo tempore tanquam eius Ecclesiæ Episcopus, sed ut Euan-  
gelium clarissimæ Hispaniæ Vrbi annunciatet, Sedem in ea  
collocauerit. Quod enim ponderat Pater *Lezana sub n. 29*  
Apostolum in ea Presbyteros ordinasse, & Episcopalia mu-  
nera exercuisse, arguit quidem potestatem Episcopalem  
in ordinante, quæ non negatur, at non probat Beatum Ia-  
cobum in Ecclesia Cæsaraugustana tanquam propria Sede  
sacros ordines contulisse, cum iurisdictionem sibi à Domi-  
no demandatam *vbiq[ue] terrarum velut in propria Diœcesi*  
*exercere posset.*

Nec refragantur, quæ de Asiæ Ecclesijs à Ioanne erectis ad-  
ducuntur, siquidem tenuis fuere Cathedrales quatenus <sup>ad</sup> A-  
postolus nō erexit solū, sed constitutis Episcopis etiam Ca-  
thedrae dignitate donavit; Cæterum Baronius *anno Christi*  
*97. num. 3.* non assentitur Sancto Hieronymo dicenti, om-  
nes

nes Agæ Ecclesiæ à Ioanne fundatas, nam præter plures  
 quas B. Petrus in Asia minori instituit, Ephesinam Eccle-  
 siam à Paulo erectam, non solum Irenæi testimonio, quem  
 refert Euseb. hist. Eccles. lib. 3. cap. 17. sed ex Act. Apost. ple-  
 nè colligitur præcipue verò Act. 19. & 20. vbi ipse met Pau-  
 lus sic Ephesios alloquitur. Propter quod vigilare memorie  
 retinente quoniam per triennium nocte, & die non cessanti cum  
 lachrymis monens unumquemque vestrum &c. Perspectum  
 autem habemus nequam Paulum prædicasse vbi Euā-  
 gelium fuerit ab alijs annunciatum, quod Paulus ipse epist.  
 ad Roman. cap. 15. his verbis expressit. Hierusalem per cir-  
 cuitum usq. ad Illyricum repleui Euangelium Christi. sic autem  
 hoc prædicati Euangelium non ubi nominatus est Christus, ne  
 super alienum fundamentum adificarem, sed sic uscriptum est,  
 quoniam quibus non est annunciatum, de eo videbunt; & qui  
 non audierant de eo intelligent. Ex quibus deducitur nemini  
 Ephesi ante Paulum prædicasse, aut Ecclesiam eam  
 erexisse; quinimo Cathedralem ab eodem Apostolo ere-  
 viam constat, qui Timothæum, ante quam Ioannes Asiam  
 obiret, primū Episcopū in ea constituit, ut Episcopi omnes  
 Asiae testatur in Cōcilio Galced. act. 11. & refert Euseb. d. hist.  
 Eccl. lib. 3. cap. 4. quē sequitur Baron. an. Christi 57. n. 186.  
 Quod igitur scripsit S. Hieronymus, omnes Asiae Ecclesiæ  
 à Ioanne fundatas fuisse, ita forsitan accipi posset, vt eas, con-  
 cunctata hæresi, euangelicis scriptis, & prædicatione omnino  
 firmauerit, & stabilicerit, quod & Baron. ann. Christi 97. sen-  
 sisse videtur; quippe post Apostolorum Petri, & Pauli ne-  
 cem, à quibus Asiae Ecclesiæ fundatæ, & ad pietatem opti-  
 mè institutæ fuerant; cum Cherinti potissimum, & Ebionis  
 hæresis per Orientem inualuerit, de quibus Euseb. d. hist.  
 lib. 3. cap. 21. num. 22. Asianæ Ecclesiæ curam Ioannes, ne à  
 sincera fide, quam semel acceperat, ea Regio excideret,  
 quamvis senio confessus suscepit, rogatusque ab Asia Epis-  
 copis aduersus hæreticos Euangelium scripsit, vt Irenæus,  
 atque Epiphanius testantur, ipseque Hieronymus de Script.  
 Eccl. in Ioann. cap. 9.

Quod

Quod autem dicitur Ioannem Apostolum Sedem Ephesi posuisse, id ita accipere debemus, ut in Asiam profectus domicilium in ea Ciuitate sibi elegerit, prout declarat Euseb. hist. Eccles. d. lib. 3. cap. 15. in fin. Tradunt enim veteres nostri Scriptores, Ioannem eo tempore ab exilio, quod in Insula fuerat perpessus, rediisse, & Ephesi denuo Sedem, ac domicilium rerum suarum collocasse &c. quæ verba de Episcopali Sede intelligi nequeunt, ut potè quæ semel Ephesi posita, neque alio translata fuerat, neque erat denuo in eadem Ecclesia collocanda. Sic Virgil. l. Aeneid. Sedem pro domicilio usurpauit.

Hic tamen ille urbem Parauit sedesque locauit

Tencrorum

Et eodem lib. 1.

Tendimus in Latium sedes ubi fata quietas.

Ostendunt

Et Ouid. Metamor. lib. 1.

Arcados hinc sedes, & inhospita rectis Tyranni

Ingredior

Et Sext. Aurel. Victor. de orig. gétis Rom. Quidam autem tradunt, terris diluvio cooperatis, passim multos diuersarum regnum in Montibus ad quos confugerant constituisse: ex quibus quosdam Sedem querentes, peruectos ad Italiam Aborigines appellatos. Itaque ex sede Ioannis Ephesi posita, neque eius Ecclesiæ Cathedralitas aptè deducitur, cum Apostoli domicilium ibi positum fuerit, non autem Episcopalis sedes longe antea in ea Ecclesia à Paulo Apostolo constituta; neque Ephesi Episcopnm Ioannem suis probatur, quippe in ea Ciuitate, cuius Episcopus ordinatus non fuerat, tanquam Episcopus nunquam sedit; sed ei primum Timotheus praefectus deinde Onesimus, qui ad Traiani usque tempora Ephesinam Ecclesiam rexit, teste Ignatio in epist. ad Ephes. de qua Euseb. hist. Eccles. lib. 3. cap. 30. & Baron. ann. Christi 60. num. 41. & Ioanni superuixit, ut colligitur ex eodem Baronio annal. tom. 2. ann. Christi 101. & 110.

D Accedit

Accedit Ioannem non semper Ephesi consedisse, ut ex Metaphraste deducitur, qui res ab eo gestas in Phigia, ac præsertim Hierapoli, ubi permanxit usque ad Philippi aduentum, recenset: Et ex Clemente Alexandrino apud Euseb. dict. hist. lib. 3. cap. 17. Qui Ioannem ex Insula Parmo Ephesum reuersum quorundam rogatu ad Finitimas gentes profectum scripsit, hic Episcopos constituturum illic integras Ecclesias ritè dispensaturum &c. & denique ex Baron. ann. Christi 44. numer. 30. ubi universum Orientem eum peragrasse, præcipue verò Parthos, & Bassoras Christiana fide imbuuisse non uno argumento comprobat.

Quod verò Ephesi potissimum Ioannes sit commoratus, id eo consilio factum credibile est quo & Apostolus Paulus diutius ibi permanxit: videlicet quia peropportunus ei visus sic locus, ubi Euāgeliū prædicatione Christiana Religio propagaretur Ephesus enim totius Asie minoris Metropolis Civitas, & Proconsulis sedes tū populi frequētia, tū Philosophic studijs apprimē claruit; quamobrem ad Corinthios scribens cur tandiu Ephesi detineretur, hostium mihi: (inquit Paulus) apertum est magnum, & Aduersarij multi.

Qua ratione vel Beatum Iacobum Cæsaugustæ moram duxisse, par est credere: quippe ea Ciuitas ab Augusto Cæsaure amplificata, Colonie Romanæ titulum, atque immunitatē adepta, conuentuque Iudicum, unde Finitimi populi iura peterent, in ea constituto, quemadmodum Principem locum inter cæteras Hispaniæ Vibes facile obtinuit, ita digna videri potuit, in quam Apostolus prædicationem, operamque suam diutius impenderet: non tamen eum Cæsaugustæ Episcopum, sicuti nec Ioannem Ephesi, fuisset sequitur: sed aptius hic Asie, ille Hispaniæ Episcopus dici posset, si (quod Augustinus de Bellis prodidit) Apostoli Provinciarum, quas in fide erudiendas suscepissent, Episcopi appellati consuerint.